

欽定熱河志

藩衛 一

國家奄甸萬方，蒙古全部編名典屬，皆藩衛也。志熱河藩衛蓋五十一旗，迤東南諸部，而內、外扎薩克全部不隸熱河境者弗與焉。在平泉州境為喀喇沁右翼，在赤峰縣境為翁牛特左右翼，其北兼及巴林，在建昌縣境為喀喇沁左翼及敖漢，在朝陽縣境為土默特左右翼、奈曼，其東北兼及喀爾喀左翼。諸藩部依邇塞垣，宣勤奉職，百餘年來，濡沐皇化，板屋農田，略同內地。恭讀聖祖御製諸咏，我皇上睿什賡吟，於塞外土風，周諏爰度，至聖祖行圍詩所載之扎魯特部，皇上御製蒙古土風詩序所載之科爾沁部，雖地居熱河北境，而壤界毗連，實與內外諸扎薩克同暢皇風。其豐寧縣境之察哈爾四旗，不建渠長，籍同編戶，則附見兵防門，不更列云。志藩衛第十二。

聖祖御製詩

經喀喇沁

古木蒼山路不窮，霜林颯沓響秋風。臨流駐蹕歸營晚，坐看旌門落照紅。

行圍敖漢、奈曼、扎魯特諸部落

農暇巡侯甸，揚旌歷遠途。軍容陳七萃，武事講三驅。永罷防秋戍，咸為首路趨。晚來圍獵罷、羽衛集平蕪。

御製詩

過蒙古諸部

辛酉

巖華峰葉雜丹黃，塞上那知道路長。霜滿寒林山柿冷，烟生毳帳酪酥香。伊歌度曲聞駝背，羽箭翻弓射雁行。諸部賢王顙首望，隨行爭羨羽林郎。

風來谷口捲雲晴，沙漠霜華射眼明。冷逼叢林鹿聲壯，寒侵淺草馬蹄輕。圍成馳射皆驍騎，宴罷歡呼達網城。服食舊稱方物貢，酪漿乳餅總輸誠。

過蒙古諸部落

癸亥

葦室氊廬儘可居，羊膏酥粥美何如。生來未解機關巧，渾噩猶存太古初。識路牛羊不用牽，下來群飲碧溪泉。兒童騎馬尋亡牯，只在東溝西谷邊。咿啞知是過牛車，學種嘉禾蔓不鋤。看牧獨回歌敕勒，射生雙獲笑軒渠。白草黃榆雁塞寒，最欣初日上槍竿。坂蕪原芷紛含露，名目嵇含欲狀難。三冬九夏一身裘，游牧常隨清淺流。羊腍馬通生意好，緩歌獨漉不知愁。小兒五歲會騎駝，乳餅為糧樂則那。忽落輕莎翻得意，擲掄學父舞天魔。獵罷歸來婦子圍，露沾秋草鹿初肥。折楊共炙傾渾脫，醉趁孤鴻馬上飛。

經翁牛特部落

己巳

分界司林圍，木蘭據各部落之中，凡近游牧之地，各出入巡察入圍場伐木及盜獸者，適以行圍，欲至興安大嶺，乃翁牛特所司之地云。行圍便一過。同民誠有愧，為寔底教訛。

塞外之地，豈可計里然行時習武，適同靈囿上林而已，獨是伐木盜獸有禁，而亦未如殺人之罪云爾。部落輸誠久，屏藩效力多。相於禁剪伐，更且謹誰何。除道

心猶悚，近光肩欲摩。善為安畜牧，永久沐恩波。

經喀爾沁部落 甲戌

列帳沿岡道左迎，羊群馬酪各將誠。親藩衆建堪同例，外域羈縻豈近情。漫擬星辰環北極，也知稼穡望西成。百年化育皆先德，繼緒心殷惕捧盈。

板升 有序

蒙古語音以氊廬為格爾，以土瓦屋為拜牲。板升者，蓋拜牲之訛也。氊廬其舊俗，而土瓦屋則近代始有之。內地流民至此，率仍屋處。明季因以是為苦，蓋視板升儼如畏甌脫矣。

韋韞毳幕禦風雨，那識上棟及下宇。天津啼鳥風自南，荒略漸開知室處。遠漠仍少近塞多，居然村落連岡阿。肉食酪漿易舊俗，刀耕火種期嘉禾。貧民無業利遷徙，山田易藝資生理。苟勤耕鑿戒潢池，到處孰非吾赤子。遐想明季非承平，畏胡不已畏板升。帑餉未逮持戟士，邊將邀功猶請兵。邱富趙全資敵用，烽火連營蹙提封。惟因日引以月長，安在馭輕而居重。板升今日猶昔年，阡陌滋闢皆良田。諸部左右屬囊鞬，黎民瞻就蹕路邊。詰戎咨穡愷澤宣，慎茲大寶萬葉傳。

入敖漢境

據嶺分疆異，清塵灑道同。後先咸奉職，誠敬自由衷。漸見牛羊牧，仍欣禾黍豐。時巡慎侯度，繼序念戎功。

敖漢台吉彭蘇克拉錫能詩，書以賜之

出守黃沙塞，入趨白玉墀。

命在乾清門侍直。

幾曾金翕叔，入侍解吟詩。

土默特

部名雖異族類同，犬牙相入分提封。執役鞠膾皆虔恭，百年休息鬯皇風，致茲豈易凜予衷。

蒙古土風雜咏十二首

有序

甲戌東巡，由熱河出中關即入喀爾沁境。經敖漢、奈曼、土默特、科爾沁諸部。匝月乃至吉林。所見塞外土風，多有可紀，隨事命題，各疏小序，得七言律詩十二首。亦周爰諏度之義也。

乳筩

以皮為之，平底，豐下而稍銳其上，捋乳盛之，於取攜為便。

形似罌瓶制以皮，渾淪不慮漏卮遺。牛羊幸過春艱後，

塞地春寒，青草未出，牲畜乏食疲瘦。惟春候為最艱。

婦子群欣夏捫時。

何必雲漿需玉斧，也憐龍種繼金羈。

牛馬羊乳皆資飲食，而捫酒惟馬乳為佳，羈其駒，方可捋其乳也。

本來原是其中物，彼此胡然判轉

移。

荒田

農作非蒙古本業，今承平日久，所至多依山為田。既播種，則四出游牧射獵，秋穫乃歸。耘耨之術皆所不講。俗云靠天田。

本是射生游牧地，即今漸亦重農田。耨耘未識各勤力，豐歉惟云總賴天。出逐草泉長夏裏，歸臨銍艾九秋前。耕而鹵莽報鹵莽，塞穡觀餘始信然。

鄂博

蒙古不建祠廟，山川神祇著靈應者，累石象山冢，懸帛以致禱。報賽則植木為表，謂之鄂博，過者無敢犯。

路口山頭壘石磷，心常依處地常神。雨查達復晴查達，凡折雨折晴皆在此，蒙古謂之查達。土偶人嗤木偶人。引馬折旋嗔莫犯，從禽屢獲福還申。春秋報賽雖荒略，依約猶存土鼓豳。

革囊

以革為之，用代筐筥、罍盎。食用巨細，無所不納。行汲或以貯水，涉川則挾之肘間，亂流以濟，或謂之皮餛飩，蓋俗呼也。

紉革為囊號庫奴，出蒙古語精粗器用此中俱。豈須錦緣去聲還絲管，無過茶鐺及飯盂。詩句清新記耶律，辯言詼謔幸侏儒。經繙四十二章過，乍可因之悟幻軀。

柴車

取材於山，不加刻斫，輪轅略具，以牛駕之。行則鴉軋有聲，如小舟欸乃。

斫木椎輪雖太質，服牛引重利偏多。似機鴉軋纔鳴室，疑櫓伊吾旋渡河。自是驅馳輸駿馬，未教負載讓明駝。沿岡銜尾徐徐進，可號山中鼓吹過。

骨占

炙羊肩骨視其兆，以占吉凶，猶古龜卜。

爛頭爛胃蹴疏羊，取骨為占以火揚。額祝便因看墨圻，心虔率可定災祥。古方略異太人卜，紛議非關待詔郎。不用何妨識其事，至平易裏至奇藏。

馬竿

生駒未就羈勒，放逸不可致，以長竿繫繩縻致之，蒙古最熟其技。

八尺高竿繫以繩，提攜最制馬奔騰。轡銜詭去無端逸，駒駢牽來有獨能。詎祇空群誇伯樂，恰如把釣遇嚴陵。龍媒莫怨生羈絡，不爾安從駿驥稱。

兒板

兒生在襁褓中，令卧板上，韋束其兩臂，倚氊廬壁間，啼則搖之，徙居則懸之駝裝之後。

毳幕生兒亦可憐，背眠木板革提肩。倒紉縱免身狼藉，卓立因成足鶻拳。氈罽便為衣去聲裳具，乳酥即是洗盆錢。移居那慮風霜冒，襁褓呱呱駝上懸。

灰簡

木削兩簡，編韋聯之，稍剝其中，塗油而布以灰，作字畢，則拭去而更布之，有古漆簡

之風。

約束從來祇語言，右行文字肇興元。既成旋拭新書便，剗木塗油古質存。漬竹揮非蒼頡字，韋編絕豈仲尼門。分明汗簡遺風在，儒士徒觀不解論。

竹筆

蒙古產毫穎而未得縛筆之法，削竹木漬墨作書。

削竹成尖漬墨揮，殊塗漆簡卻同歸。儘饒毛穎誰封管，恰似蒙恬未合圍。荒略粗分今與昨，魯魚孰辨是耶非。穹廬筆策赤書就，國語「筆帖式」即蒙古語「筆策赤」，謂能書文字者，驛傳每用之。郵遞還從馬上飛。

口琴

製如鐵鉗，貫鐵絲其中，銜齒牙間，以指撥絲成聲，宛轉頓挫，有笙琶韻。

弦皮手撥管蘆吹，口上彈琴乃鐵為。宛合宮商憑兩葉，亦堪攫醪祇單絲。高山流水分明在，鳳尾龍唇非所知。綽爾濟歌天魔舞，毳廬馬捫醉闕氏。

轉經

蒙古奉佛惟謹。木輪中貫鐵樞，可轉動，集梵經於輪間，大者支木架以手推之，小者持而搖之，旋轉如風。謂一轉功德，與持誦一過等。

印成十二部真文，轉法輪稱佛所欣。孰半字還孰滿字，即熏聞已即成聞。隨風旋轉揚黃教，

蒙古謂喇嘛為黃教，見必膜拜。

度世娑婆遍塞垠。如此翻經誠甚易，釋迦何用雪山勤。

冒頓行 癸未

冒頓讀墨毒，其義不可曉。馬遷及班顏，撰注徒紛擾。內扎薩克中一旗，曰土默特音近之。今部落即古部落，字謬千里差毫厘。年年供役來隨圍，勤劬效力一月歸。亦居拜姓亦耕耦，爾老爾老幼爾幼^叶。平城之事夢亦無，安知漢劇城墻走。

蒙古田 壬寅

蒙古昔種田，撒種委之去。謂曰靠天收，秋成返刈穫^叶。其去非無因，或獵或考牧^叶。而今則不然，均習耘耨務。課雨與量晴，不殊三農慮。然實廢牧獵，斯亦忘其故。青海更甚茲，飲酒安眠豫。田獵牧俱懈，窮番壤且懼。黑帳房番人本畏蒙古。今青海、蒙古耽樂圖安，轉有被番人劫奪之事而畏之。經駐劄西寧大臣留保住奏聞，因訓飭令莫忘舊俗。喀爾喀地冷，無可

事耕作。牧獵尚所勤，古風猶未除。新附者知耕，都爾伯特、和碩特及土爾扈特，皆厄魯特習耕種，因撥地氣較暖地居之，俾事耕牧。地道不齊固。

卻類內札薩，衣食漸富庶^叶。版升圖安居，何異齊民趣。隱思苟用彼，豈彼先民素。蒙古語以氈廬為格爾，以土瓦屋為拜姓，

板升蓋拜姓之說。明時朵顏三衛即有此語。朵顏者，諸音之說。向王會汾有版升宜加防範之奏，此相沿明季畏葸陋習，不直一哂。時即笑論彼曰：『茲侍從之扎拉豐阿即版升，汝亦懼之乎？』因將原奏擲還。且明洪武初分封寧王鎮守三衛，永樂靖難時尚藉其力，因割地以償前勞，後世不能駕馭，致導額森入邊，遂有土木之變。我朝則中外一家，所謂三衛之人，皆勤耕力作，與編戶齊民無異，是今之蒙古實非漢、唐、宋、明所畏者比。然向之蒙古尚有隨征伐之事，茲翻恐不得其力耳。然而解橫去聲行，得在失間寓。中外

計胥廬，達者不言論。

欽定熱河志卷七十六

藩衛二

藩衛以熱河諸部為尤近。我皇上歲舉秋田，依光咫尺。乃者特詔國史館會同理藩院，采輯各蒙古王公部落事迹，編列表傳，追闡成勞，俾垂簡冊。矧茲熱河近部，千里同風，謹稽原始，列為表志云爾。

藩衛表

沁喇喀

多羅郡王

始封貝子，晉封今爵。

多羅貝勒

始封鎮國公，晉封今爵。

鎮國公

始封貝子，後降今爵。

輔國公

公品級

始封塔布囊，後晉今爵。

古魯思奇布

崇德元年，始封貝子，世襲。順治七年，晉封多羅貝勒。

圖巴色楞

古魯思奇布子，順治十五年襲。

班達爾沙

圖巴色楞弟，康熙三年襲。七年，晉封多羅郡王。

扎什

班達爾沙兄，康熙十一年襲。

噶爾臧

扎什子，康熙四十年襲。後以罪削爵。

色楞

噶爾臧弟，康熙五十年襲。

色楞

順治五年，始封為鎮國公，世襲。

奇塔特

色楞次子，順治十四年襲公。

伍特巴喇

奇塔特子，康熙六十年襲公。

善穆巴喇什

伍特巴喇弟，康熙三十年襲公。五十五年，晉封為固山貝子。

僧哀扎布

善穆巴喇什子，康熙五十六年襲固山貝子。雍正九年，晉封為多羅貝勒。乾隆七年，將貝勒分為貝子一，公一，其二子分襲。

呼圖靈阿

僧哀扎布子，乾隆七年襲固山貝勒。十四年，降鎮國公。二十年，復封貝子。

濟克濟特扎布

呼圖靈阿子，乾隆四十四年，仍襲鎮國公。

羅布藏車布登

雍正元年，封輔國公。

喇布坦

羅布藏車布登子，乾隆九年襲。

拉扎布

喇布坦子，乾隆二十一年，仍襲。

格勒爾

康熙四十四年，因所部繁盛，別置一旗，封扎薩克頭等塔布囊。

喀寧阿

格勒爾所養伊弟之子，康熙五十九年襲。

齊齊克

喀寧阿子，乾隆五年襲，十九年賞給公品級。

瑪哈巴拉

齊齊克子，乾隆十年襲。

伊達木扎布

色楞子，康熙五十六年襲。

拉特納錫第

伊達木扎布子，乾隆四年襲。

多羅貝子

初襲鎮國公，後晉今爵。

扎拉豐阿

僧哀扎布子，呼圖靈阿弟，乾隆七年，襲輔國公。二十年，晉封郡王，以罪削爵。二十四年，復封貝子，四十四年，晉封貝勒。

鎮國公

初由鎮國公晉封貝子，後仍降今爵。

敏珠爾拉布坦

乾隆八年，封鎮國公，二十四年，晉封固山貝子。敏珠爾拉布坦子，乾隆二十五年，降襲鎮國公。

丹怎達爾扎

輔國公

達穆巴

雍正九年，以陣亡追封，並世襲。

丹津

達穆巴子，雍正十年襲。

托克托呼

丹津子，乾隆十八年襲。

溫都爾呼

托克托呼弟，乾隆二十二年襲。

特牛翁

多羅郡王

索音

崇德元年，始封多羅杜陵郡王，世襲。

博多和

索音孫，順治二年襲。

畢禮袞達賴

博多和子，順治十八年襲。

倉津

畢禮袞達賴子，康熙三十二年襲。雍正五年以罪削爵。

鄂齊爾

倉津之叔，雍正五年襲。

羅布藏

鄂齊爾子，雍正十一年襲。

齊旺

羅布藏子，乾隆三年襲。

多羅貝勒

始封貝子，后晉今爵。

東

崇德元年，始封達爾漢岱青貝子，世襲。

肯特爾

東子，順治五年襲。

叟色

肯特爾弟，順治十一年襲。康熙元年晉封貝勒。

額林沁

叟色子，康熙二十二年襲。

額爾德布鄂齊爾

額林沁子，康熙二十六年襲。

朋素克

額爾德布鄂齊爾子，雍正八年襲。

諾爾布扎木素

朋素克子，乾隆三十一年襲。

固山貝子

額爾德尼

雍正十一年封。

巴爾丹

額爾德尼子，乾隆十一年襲。

土門巴彥

巴爾丹子，乾隆三十七年襲。

鎮國公

噶爾瑪

國初以軍功封，世襲。

查罕岱

噶爾瑪子，順治五年襲。

奇塔特

查罕岱子，順治十六年襲。

齊旺多爾濟

奇塔特子，康熙四十一年襲。

索諾木

齊旺多爾濟子，康熙四十五年襲。

貢格拉布坦

索諾木子，乾隆六年襲。

布達扎布

齊旺子，乾隆三年襲。

旺舒克

布達扎布子，乾隆四十二年襲。

特默土

多羅貝勒

始封鎮國公，
晉封今爵。

固山貝子

始封鎮國公，
後晉今爵。

善巴

崇德元年，始封鎮國公，世襲。

卓里克圖

善巴子，順治十四年襲。康熙元年，晉封多羅貝勒。

兆圖

卓里克圖子，康熙十三年襲。

額爾德木圖

兆圖子，康熙十四年襲。

瑪尼

額爾德木圖子，康熙四十二年襲。

阿喇布坦

瑪尼子，康熙五十二年襲。

索諾木巴爾珠爾

阿喇布坦孫，乾隆五年襲。

古穆

順治五年封鎮國公，康熙元年，晉封固山貝子。

袞齊斯托布

古穆子，康熙十三年襲，三十一年以罪削爵。

拉斯察布

袞齊斯托布兄，康熙三十一年襲。

班第

拉斯察布子，康熙三十七年襲。

哈穆噶巴雅斯

班第子，康熙四十九年襲。

呼朗圖

哈穆噶巴雅斯呼朗圖子，乾隆三十六年襲。

色布騰洞魯布

呼朗圖子，乾隆三十六年襲。

吹扎布

吹扎布子，乾隆三十九年襲。

喀爾喀多羅貝勒

附土默特旗。

巴爾冰布圖

康熙四年封，世襲。

索諾木

巴爾冰布圖子，康熙七年襲。

羅布藏達穆巴

索諾木子，康熙三十一年襲。

班達林沁

羅布藏達穆巴子，康熙六十一年襲。

哀布多爾濟

班達林沁子，乾隆二十二年襲。

漢敖

多羅郡王

多羅郡王

固山貝子

初由輔國公晉封至多羅貝勒，後降今爵。

固山貝子

初封輔國公，後晉今爵。

輔國公

班第

崇德元年封，世襲。

墨爾根巴圖魯

班第子，順治四年襲。

扎木素

墨爾根巴圖魯子，康熙十一年襲。

垂木丕爾

扎木素子，康熙四十七年襲。

垂濟拉什

垂木丕爾子，乾隆十五年襲。

巴特瑪拉什

垂濟拉什子，乾隆三十三年襲。

巴爾丹

巴特瑪拉什子，乾隆三十八年襲。

密濟克

順治五年封，世襲。康熙五年，以罪削爵。

布達

密濟克弟，康熙五年襲。

薩木丕勒

布達子，康熙十三年襲。

阿敏達賴

薩木丕勒子，康熙二十八年襲。

額森孟克

阿敏達賴弟，康熙二十九年襲。

達什達爾扎

額森孟克弟，康熙三十年襲。

瓦爾達

達什達爾扎從弟，康熙四十三年襲。

羅布藏

雍正七年，封輔國公。十年，以軍功封固山貝子。乾隆八年，晉封多羅貝勒。

垂濟扎爾

羅布藏子，乾隆十八年，降襲貝子。

羅布藏什拉布

乾隆二十四年，封輔國公。三十七年，晉鎮國公。四十年，晉封貝子。

桑濟扎爾

乾隆十八年封。